

Գևորգ Գրիգորյան ԶՈՏՏՈ

Նվիրվում է արվեստագետի ծննդյան 120-ամյակին

Gevorg Grigorian GIOTTO

Dedicated to the 120th birthday anniversary of the artist



ԵՐԵՎԱՆ YEREVAN
2017



1918 թվականին Թիֆլիսի Գեղարվեստը խրախուսող կովկասյան ընկերության նկարչության և քանդակագործության դպրոցում կայացավ դըպրոցի պատանի սաների ստեղծագործությունների ցուցադրությունը: Այդ ցուցահանդեսին մի շարք ստեղծագործություններով առաջին անգամ մասնակցում էր նաև Գևորգ Գրիգորյանը (Ջոտտո կեղծանունը դեռևս կիրառելի չէր), այդ թվում ներկայացնելով իր «Աղջնակ» նկարը (էջ 24): Արդեն այդ ժամանակ երիտասարդ արվեստագետի աշխատանքները գրավում են մասնագետների ուշադրությունը և նրան անդրադառնում են մամուլում՝ հատուկ առանձնացնելով այդ ցուցադրության մասնակիցների շարքում: Նկարչի առաջին ցուցահանդեսից անցել է շուրջ մեկ դար և այդ «Աղջնակ»-ի ընդգրկումը արվեստագետի 120-ամյա հոբելյանին նվիրված «Գևորգ Գրիգորյան ԶՈՏՏՈՆ» ցուցադրությանը բավական խորհրդանշական է՝ մատնանշելով նրա անցած ճանապարհի սկիզբը: Այս ցուցահանդեսի նպատակը Գևորգ Գրիգորյանի (Ջոտտո²) արվեստի համապարփակ ներկայացումն է անշուշտ: Այդուհանդերձ, արվեստի պատմության էջերում իր կայուն դիրքը զբաղեցրած, արդեն որոշակի առումով դասական դարձած արվեստագետին անդրադառնալը հղի է մի շարք մարտահրավերներով, և առաջին հերթին չկրկնվելու խնդիրն

է: Գևորգ Գրիգորյան Ջոտտոն բացառություն չէ. առաջին հայացքից իր թողած գեղարվեստական ժառանգության մասին գրվել է բազմիցս, իր դերը կարևորված է հայ կերպարվեստի շրջանակներում, այդ թվում՝ որպես թիֆլիսյան դպրոցի ներկայացուցիչ, երևանում գործում է Գևորգ Գրիգորյանի (Ջոտտո) արվեստանոց-թանգարանը: Այնուամենայնիվ, մշտապես հնարավոր է բացահայտել նոր հորիզոններ, իսկ Ջոտտոյի պարագայում այդ հորիզոնները կապված են չցուցադրված կամ քիչ հայտնի ստեղծագործությունների, առաջին հերթին՝ գրաֆիկական աշխատանքների հետ: Այս շերտերում են ի հայտ գալիս Ջոտտոյի գեղագիտական մտածողության թաքնված ակունքները, այլ կերպ ասած, «լուսնի հակառակ կողմը», որը մշտապես եղել է, սակայն անտեսանելի էր մեզ, համենայն դեպս մինչ այս ցուցադրությունը: Ցուցահանդեսը բնութագրվում էր լինելով հետահայաց՝ նպատակ ունի բացահայտելու Գևորգ Գրիգորյանին այն տեսանկյունից, որը մինչ այս շրջանառության մեջ չի եղել: Արվեստագետը իր բազմաթիվ անկյունաքարային գեղանկարչական ստեղծագործություններին զուգահեռ (որոնք ցուցադրվել են թե՛ իր կյանքի օրոք, թե՛ հետմահու) այլ արժեքավոր աշխատանքներ է կերտել շուրջ վեց տասնամյակ տևած ստեղծագործական տարբեր շրջափուլերում:

1. Խոսքը բանաստեղծ Սերգեյ Գորոդեցկու հոդվածի մասին է, որ լույս էր տեսել 1918 թվականին «Կավկազական պոլո» թերթում. նա հատուկ ընդգծում է երիտասարդ Գևորգ Գրիգորյանի տաղանդը և անդրադառնում մի շարք ստեղծագործությունների:

2. Ջոտտո կեղծանվան ծագման մի քանի վարկած կա, որոնցից մեկի համաձայն Գևորգ Գրիգորյանին այդպես է անվանել Երվանդ Քոչարը՝ նրա ստեղծագործություններում տեսնելով իտալական վաղ վերածննդի վարպետ Ջոտտո դի Բոնդոնեի ոգին: Մեկ այլ վարկածի համաձայն բանաստեղծ Եղիշե Չարենցը Գևորգ Գրիգորյանի մարմինը նմանացրել է Ջոտտոյի պատկերած Քրիստոսի մարմնին՝ այդպիսով նրան անվանելով Ջոտտո Գեորգի: Մի առիթով էլ ինքը Գևորգ Գրիգորյանը ասել է, որ Ջոտտոյին համարում է իր մեծագույն ուսուցիչներից, և պատմել, որ հերթական ցուցադրության ժամանակ իր ինքնադիմանկարն անգամ նմանեցրել են Ջոտտոյին, ինչից հետո նկարիչ-ընկերները իրեն սկսել են այդպես անվանել:





Դիանա
Diana
1926

Այս նկարում Զոտտոյի ապագա կինը՝ Դիանա Ուկլեբան, ընդամենը 16 տարեկան է: Այս առաջին պատկերից շուրջ տասը տարի անց միայն նրանք տեսնվեցին կրկին և այլևս չբաժանվեցին: Դիանան եղել է Զոտտոյի ամենամեծ մուսան ու աջակիցը: Երբ Զոտտոյին հեռացրել են Նկարիչների միությունից, և նա գրեթե գումար չի վաստակել, Դիանայի շնորհիվ են ապրել, նա նկարում ու վաճառում էր, բանաստեղծությունները տպագրվում էին... լիրիկական բանաստեղծություններ, ռոմանտիկ՝ բոլորը նվիրված Զոտտոյին:

The future wife of the artist, Diana Ukleba, is only 16 years old in this painting. Nearly a decade after this first meeting they met again and were inseparable since then. Diana was Giotto's greatest muse and supporter. When Giotto was excluded from the Artists' Union and did not earn simply any money, Diana helped them survive; she was painting, publishing poems: romantic and lyrical, dedicated to Giotto.

...Նա մեծ նկարիչ է, շատ մեծ: Ես էլ եմ նկարել, շատ նկարիչների հետ ծանոթ եմ, գիտեմ նրանց նկարները, բայց Զոտտոն ուրիշ է, նման չէ մյուսներին: Երբ առաջին անգամ տեսա նրա նկարները, զարմանքից ապշեցի, որտեղից է գտնում այդ երանգները, կարծես մութ գույներ են, բայց այնքան պայծառ, տեսանելի: Եվ առաջին անգամ ասեցի. «Ոչ ոք այդպես չի կարող, միայն նա...»: Զգացի, որ չեմ կարող բաժանվել այդ նկարներից, նրա ստեղծողից... Եվ այդպես վաթսուն տարի, այդպես, քանի դեռ կյանք ունեմ...

Դիանա Ուկլեբա-Գրիգորյան, 1989

...He is a big artist, a great one. I was an artist myself, I know a lot of artists, I am familiar with their works, but Giotto is very different. When I saw his paintings for the first time, I was astonished: where does he find those tints, they seem to be dark, but so bright and visible. And I said for the first time: no one can do it that way, only him... I felt that I could not part with those paintings, with their author... so it has already been sixty years, and it will last as long as I am alive...

Diana Ukleba-Grigorian, 1989




Բոլոր հայացքները
դեպի երկինք
Gazing at the Sky
1962

Հրաժեշտ
Farewell
1960

Հայացքները վեր
Gazing up
1962





1897	ծնվել է Թիֆլիսում, Վրաստան	1933-1948	ընդհատումներով մասնակցում է Թիֆլիսում կազմակերպվող գրեթե բոլոր ցուցադրություններին, մինչև ժամանակ սկսվում են ճշումներ նկարչի նկատմամբ, մի քանի անգամ հեռացվում է նկարիչների միությունից
1904	կորցնում է հորը և 7 տարեկան հասակից սկսում է աշխատել տարբեր արհեստավորների մոտ	1948	վերջնական հեռացվում է նկարիչների միությունից և շուրջ տասը տարի չի մասնակցում ցուցադրությունների և շատ քիչ է ստեղծագործում
1916	նկարչությամբ տարված Գևորգ Գրիգորյանին նկատում է հայտնի բժիշկ Սեմյոն Ցոտաձեն, ով միջնորդում է, որ պատանին գեղարվեստական կրթություն ստանա	1957	վերականգնվում է Վրաստանի նկարիչների միությունում մասնակցում է Հոկտեմբերյան հեղափոխության 40-ամյակին նվիրված ցուցադրությանը Թիֆլիսում
1916-1921	սովորում է Թիֆլիսի Գեղարվեստը խրախուսող կովկասյան ընկերության նկարչության և քանդակագործության դպրոցում (ուսուցիչներ՝ Ե. Թադևոսյան, Բ. Ֆոգել, Օ. Շմերլինգ)	1958	մասնակցում է «Վրացական արվեստի տասնօրյակը Մոսկվայում» ցուցադրությանը, որը տեղափոխվում է Ռիգա և Տալին
1918	մասնակցում է դպրոցի սաների աշխատանքների ցուցադրությանը՝ ստանալով առաջին դրական գնահատականները	1962	կնոջ՝ Դիանա Ուկլեբա-Գրիգորյանի հետ տեղափոխվում է Երևան
1921	մեկնում է Մոսկվա և քննություններ է հանձնում Վխուտեմասում (Вхутемас, Высшие художественно-технические мастерские, Բարձրագույն գեղարվեստ-տեխնիկական արվեստանոցներ), ուր նրան ընդունում են անմիջապես երկրորդ կուրս	1962-1965	կրկին հայտնվում է մամուլի ուշադրության կենտրոնում, լույս են տեսնում մի շարք հոդվածներ (Կ. Զդանսկիչ, Լ. Զինգեր, Հ. Բգիթյան, Դմ. Մոլոդավսկիյ, Ն. Ստեփանյան և այլք)
1921-1923	սովորում է Վխուտեմասում՝ նկարչուհի Լյուբով Պոպովայի ղեկավարությամբ, անդամակցում է «Հայարտուն» ՀԿ-ին	1965	կայանում է առաջին անհատական ցուցահանդեսը Հայաստանի նկարիչների միությունում, Երևան
1922	սկսում է նկարչություն դասավանդել դպրոցներում	1966	կայանում է նկարչի երկու անհատական ցուցահանդես Մոսկվայում
1927	մասնակցում է Թիֆլիսում անցկացվող վրաց նկարիչների ցուցադրությանը՝ մասնակցում է «ԽՍՀՄ ժողովուրդների արվեստը» ցուցադրությանը Մոսկվայում, որտեղ հատուկ ուշադրության է արժանանում «Ստեփան Շահումյանի դիմանկարը»․ այն նկատում է Անատոլի Լոնաչարսկին՝ ԽՍՀՄ լուսավորության ժողկոմը	1972	մասնակցում է Մոլոդովկասի նկարիչների ցուցադրությանը Մոսկվայում
1929-1930	մասնակցում է Հայաստանում կազմակերպված ցուցադրությանը, ինչպես նաև Վրաստանի հեղափոխական նկարիչների կազմակերպության ցուցադրությանը	1976	հեռանում է Կյանքից Երևանում
1934	մասնակցում է Երևանում Գեղեցիկ արվեստների թանգարանի կազմակերպած ցուցադրությանը	1977	Դիանա Ուկլեբա-Գրիգորյանի ջանքերով բացվում է Գևորգ Գրիգորյանի (Ջոտտո) արվեստանոց-թանգարանը, որը երկու տարի անց դառնում է Հայաստանի ազգային պատկերասրահի մասնաճյուղը
1936	ամուսնանում է նկարչուհի և պոետ Դիանա Ուկլեբայի հետ, ով դառնում է նրա ամենամեծ մուսան և աջակիցը ծանր ու դժնդակ տարիներին		Գևորգ Գրիգորյանի ստեղծագործությունները պահվում են Հայաստանի ազգային պատկերասրահում (ՀԱՊ), ՀԱՊ մասնաճյուղ Գևորգ Գրիգորյանի (Ջոտտո) արվեստանոց-թանգարանում, Երևանի ժամանակակից արվեստի թանգարանում, Թբիլիսիի, Մոսկվայի, Սանկտ-Պետերբուրգի մի շարք թանգարաններում, ինչպես նաև մասնավոր հավաքածուներում Հայաստանում և արտերկրում:

